



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

XII. An Pœnitentiæ Sacramentum à Sacramento Baptismi diuersum sit.

[urn:nbn:de:hbz:466:1-54092](https://nbn-resolving.de/urn/resolver.pl?urn=urn:nbn:de:hbz:466:1-54092)

Glossa, ac Bonauentura; hi sunt enim omnes Patres, omnesque Historici, quos Kemnitius citat, quamuis Bonauenturæ locum præ festinatione non annotauerit.

Hic ego PRIMVM à Kemnitio quæro, vnde illam historiam de origine Pœnitentia hauserit: nullo enim teste hæc probata reliquit. Legerat, credo, tale aliquid in Caluino; id ei satis fuit, sed nobis non est satis, qui multa ipsius etiam Caluini mendacia depræhendimus. D E I N D E, quid hoc ad quæstionem, de qua agimus? Esto enim, prima lapsorum reconciliatio, in publica Pœnitentia fuerit: cur ea Sacramentum esse non potuit? cur signa illa externa contritionis, & crimini confessio cum verbo Absolutionis, Sacramentum non fuerunt? D E N I Q V E esto, non sit confessio iuris diuini, vt ex Glossa quadam quam etiam Catholici repræhendunt, Kemnitius probare nititur: cur ipsa Absolutio Sacramentum non erit, cum symbolum sit externum diuinitus institutum, & gratiæ ac iustificationis promissionem habeat; vt ipse etiam Kemnitius confiteretur?

Sapientius igitur Kemnitius fecisset, si cū Apologia Confessionis Augustanæ, in cuius verba iurauerat, Pœnitentia Sacramētum verè ac propriè dictum, aduersus Caluinianos, non Catholicorum modò, sed etiam Lutheranorum iudicio ac censura Hæreticos, defendisset.

## CAPVT XII.

### An Pœnitentia Sacramentum à Sacramento Baptismi diuersum sit.

**H**ÆRETICI, qui Sacramentum Pœnitentia de medio sustulerunt, ex hoc errore in alium prolapsi sunt: quia enim negandum esse non putabāt, peccatores post Baptismum posse Deo reconciliari, neque reconciliationem istam sine Sacramento aliquo fieri credebant, id eis in mentem venit, vt dicerent, Baptismū ipsum dici posse atque esse Pœnitentia Sacramentum. Itaq; lapsos post Baptismum, reconciliari dixerūt per Baptismum, memoria, non autem reipsa, repetitum.

Fffff

Ex

Ex quo nouo dogmate , tria quædam aduersarij deduxerunt. PRIMO, non esse durius pactum, quod Deus cum peccatore fecit in reconciliatione post Baptismum , quam ante Baptismum, sed esse æquè facile , vel potius prorsus idem : & inde grauissimè inuehunter in eos, qui dicunt Pœnitentiam esse tabulam naufragij , quasi non liceat ad ipsam nauim Baptismi amplius redire. SECUNDO, non minus integrè renouari hominem in reconciliatione post Baptismū , quam ante Baptismum : & sicut in regeneratione , quæ fit in Baptismo, dimittuntur omnia peccata quoad culpam & pœnam ; similiiter fieri volunt in reconciliatione, quæ fit post Baptismum. TERTIO, non esse quærendum post Baptismum, symbolum externum diuinitùs institutum, quo Christi merita applicentur , cùm id satis commodè præstet Baptismus , memoria (vidimus) appræhensus, & repetitus.

Primus auctor huius erroris, ut etiam aliorum fermè omnium , qui hoc tempore inter Lutheranos versantur , Lutherus fuit : sic enim scribit in libro de captiuitate Babyl. cap. de Baptismo : *Præbuit his opinionibus occasionem verbum illud periculosum D. Hieronymi, siue male positum, siue male intellexum, quo Pœnitentiam appellat secundam tabulam post naufragium, quasi Baptismus non sit Pœnitentia.* Hinc enim vbi in peccatum lapsi fuerint, de prima tabula seu navi desperantes, Selut amissa, secunda tantum incipiunt nisi fidere tabula, id est, Pœnitentia. Et in eodem libro propè extremo: *Pœnitentia Sacramentum, inquit, signo visibili, & diuinitatis instituto caret: & aliud non esse dixi, quam viam a creditum ad Baptismum.* Hæc ille : in quibus verbis obiter obseruanda est mira Lutheri inconstantia. NAM in eiusdem libri principio disertis verbis scripsit, tria esse Sacra menta, Baptismum, Pœnitentiam, & Panem; seu potius unum Sacramentum, & tria signa Sacramentalia: quo loco signum Sacramentale aperiti ssimè in Pœnitentiæ Sacramento posuit distinctum à signo Baptismi, & Eucharistiae. Sed in fine libelli, opinione mutata, vel potius oblitus eorum quæ paulò antè scripsit, & quæ aperte negat signum Sacramentale in Pœnitentiæ Sacramento distinctum à signo Baptismi.

Philippus Melanchthon in Locis editis anno XXI. tit. de Pœnitentia, Lutherum sequutus, scripsit signum Pœnitentia effi-

esse Baptismum. Idem habet Caluinus lib. 4. Instit. cap. 15. §. 4. vbi dicit à Baptismo pendere Clavum potestatem, & vim Baptismi ad omnia peccata totius vitæ se extendere, & ex huius rei ignorantie natum esse commentitium Pœnitentiae Sacramentum. Et cap. 19. §. 17. reprehendit HIERONYMI dictum de tabula naufragij: *Sed dictum, inquit, est Hieronymi. Cuiuscunque sit, quin planè impium sit, excusari nequiss. si ex eorum sensu exponitur: quasi vero per peccatum deleatur Baptismus, & non potius in memoriam renouandus sit peccatori, quoties de remissione peccatorum cogitat, & illinc sese colligat, animumque recipiat, & fidem confirmet, &c.* Et infra: *Aproposito itaque dixeris, si Baptismum vocaueris Pœnitentiae Sacramentum, cum in confirmationem gratia, & fiducie & signum, sis datus sit, qui Pœnitentiam meditantur.*

Martinus Kempnitus in 2. parte Examinis, pag. 929. 930. 931. & 932. fatetur quidem aliud esse Pœnitentiam, aliud Baptismum; & maiorem luctam conscientiae esse in iis, qui conuerterebent à peccato post Baptismum commisso, quam in iis, qui conuertuntur à peccato commisso ante Baptismum: tamen Lutherum & Caluinum sequutus, reprehendit similitudinem de tabula naufragij, & fœdus Baptismi vult esse perpetuum; ita ut vel in eo perseueremus, vel si forte peccatum admiserimus, ad illud reuertamur. Reprehendit etiam Concilium Tridentinum, quod velit diuersam esse rationem reconciliationis in Baptismo ab ea, quæ est in Pœnitentia, & hanc quidem multò difficulterem, ac duriorem esse, quam illam. Detorquet autem impudentissimis mendaciis Concilij sententiam ad eam intelligentiam, de qua nunquam Patres Concilij cogitarunt, vel potius quam diserris verbis anathematice damnarunt, nimirum, quod in Sacramento Pœnitentiae non nitamus Christi satisfactione & merito, sed propriis nostris operibus; de quibus mendaciis supra diximus, quæ hoc loco dici potuissent.

Igitur aduersus hunc nouum errorem TRIDENTINVM Concilium sess. 14. can. 2. ita scripsit: *Si quis Sacramenta confundens, ipsum Baptismum Pœnitentia Sacramentum esse dixerit, quas hac duo Sacraenta distincta non sint, atque ideo Pœnitentiam non recte secundam post naufragium tabulam appellans, anathema sit.* Quæ veritas tribus argumentis

Fffff 2 con-

confirmando est; testimonio Scripturæ, traditione veterum,  
& ratione.

## CAPVT XIII.

*Probatur veritas.*

**V**OD attinet ad PRIMVM: habemus in primis exempla; vel potius typos & figuræ Testamenti veteris. Extra controvërsiam est, Circumcisionem datam Iudæis in figuram Sacramenti Baptismi; unde etiam Baptismus ab Apostolo Coloss. 2. dicitur Circumcisio spiritualis, & non manufacta. Si quis autem diligenter euoluat Scripturam veterem, nusquam inueniet memoriam Circumcisionis præscribi tanquam remedium peccatorum post Circumcisionem perpetratorum; sed sacrificia, expiations, confessionem peccatorū, ut ex cap. 4.5. & 6. Leuitici colligi potest. Eodem igitur modo in Testamento nouo existimandum non est, Baptismi memoriam remedium esse ad ea peccata purganda institutum, quæ post Baptismum committuntur, sed sacrificium noui Testamenti, & expiationem per Confessionem, & Absolutionem.

Habemus DE INDE testimonium Apostoli Ioannis in epist. i. cap. i. ubi loquens idem Apostolus de remedio peccatorum, quæ baptizati indies committunt; non ait: Si Baptismū ad memoriam reuocauerimus; sed: *Si confiteamur peccata nostra, fidelis est ē iustus, & remittat nobis peccata nostra, ē emundet nos ab omni iniuitate.*

Habemus TERTIO B. Pauli Apostoli testimonium, in epist. ad Hebr. cap. 6. *Impossibile est eos, qui semel sunt illuminati, gustauerūt etiam donum cælestē, & participes facti sunt Spiritus sancti, & prolapsi sunt; rursus renouari ad Pœnitentiam, rursus crucifigentes sibi met ipsiſis Filium Dei, & ostentui habentes.* Hoc enim loco non negat Apostolus, posse lapsos post Baptismū Deo per Ecclesiam reconciliari, ut falsò Novatianos sensisse, etiam aduersarij nostri concedunt. Quomodo enim Paulus negaret, lapsos post Baptismum reconciliari posse, qui Corinthium post Baptismum grauissimo scelere inquinatum, reconciliari permisit? Sed negat posse renouari per Baptismum: sic enim hunc locum intelligunt, Chrysostomus,